


**NAMA I TUPANAXŪTAWA**

**NAWA**

**INGUXŪ**





©2001 por Rosa Stair Goodman. Cubierta de Edwin B. Wallace. Meryl Esenwein, arte arriba y en paginas 10, 12, 14, 16, 27, 29, 39, 42, 44, 46, 47 y 48.

**Tupana nanaxü ga daxüguxü i naane rü ñoma 1  
i naane rü guxüma i nawa maxëxü.**

“Rü noxriarü ügügu rü Tupana nanaxü ga ñoma i naane....”  
Ügü (Génesis) 1:1

“Rü Nanexü nixi ga namuxü ga Tupana na naxüaxücax ga  
guxüma i tacü i ñuxma ngexmaxü i daxüguxü i naanewa rü  
ñoma i naanewa....”  
Coróchacüax 1:16

“Rü... Tupana i daxüguxü i naane rü ñoma i naanearü üruxü  
rü tá pexü narüngüxëë. Rü ngema daxüguxü i naane  
rü... Tupanaarü nixi, rü ngema ñoma i naane rü duüxügüna  
nanaxã.”  
Wiyaegü (Salmos) 115:15, 16

Ñoma ga naane rü name ga yexguma Tupana yatüna  
naxãxgu. ¡Nüxü nadaumatü i ñaa popera na nüxü cucuáxü-  
cax na tacü üpetüxü!



“Rü yexguma ga Tupana rü nügümaa ñanagürü:—Ngixã  
 tanaxü i duuxü na taxrüü naãexü nacuáxücax rü norü yora  
 yixixücax i guxüma... ñanagürü.” Ügü (Génesis) 1:26

**Tupana nanaxü ga yatü rü  
maxü nüxna naxã.**

“Rü yexguma . . . Tupana naxüxgu ga . . . yatü, rü waixümutewa nanaxü. Rü maxümaxa naráügu nacue . . . .”

Ügü (Génesis) 2:7

“... Tupana rü ñanagürü: —Rü tama name na nüxica nangexmaxü ya yatü. Rü ngemacax tá chanaxü i wüxi i namücü na norü ngüxëeruü . . . yixixücax.”

Ügü (Génesis) 2:18

“... Rü Cori ya Tupana rü ngixü naxü ga wüxi ga nge. Rü ñuxüchi guma yatüxütawa ngixü naga.

Ügü (Génesis) 2:22

**4 Adáũ rü Éba rü tama Tupanaga naxĩnũe.**



**Tama name na Chatanága ixĩnũexũ.**

“Rü... Tupana yema naane ga Edéügu namuxgu ga guma 5  
yatü, rü nüxna naxãga na mea nüxna nadauxũcax ga guxũma  
... Rü nanaxucuxẽ:—Marü name i cunangõx i guxũma i ñaa  
naanewa ngexmaxũ... natürü ngema nanetü i cuax i mexũ, rü  
cuax i chixexũ nawa ngexmaxũ, rü taütáma cunangõx.  
Erü ngexguma tá cunangõxgu rü... aixcũmaxũchi tá cuyu  
—ñanagürü.”

Ügü (Génesis) 2:15-17

**Ngema Äxtape i Ngoxo ixixũ rüexna Chataná ixixũ rü  
Tupanaxũ nidoragaaxũ rü yemaâcü nanawomüxẽ.**

“Rü... ga äxtape rü ñanagürü ngixũ: —Tama aixcũma nixĩ i  
ngema. Rü taütáma peyue... —ñanagürü. Rü ngima ga nge rü  
iyacawe ga wüxipü ga norü o rü inangõx rü ngitemaa ingau rü  
nüma rü ta nanangõx.”

Ügü (Génesis) 3:4, 6

6 Adáũ rü Éba rü marü taxucürüwa  
yema nachicawa nayexmagüecha.



“Rü yexguma ínataxüchiãguwena rü Edéũmaũgu nanamugü  
ga daxücüãx ga duũxügü ga ixãxpexátüxü, rü yexma nanaxú ta  
ga wüxi ga tara ga iyauracüüxü ga guxücüwagu yawexema-  
ãchixüxü....”

Ügü (Génesis) 3:24



**Yema ngunexũ ga Adáũ rũ Éba nagu chixexũ 7**  
**üexũ rũ wüxi ga ngechaũ nixĩ naxcax i**  
**guxũma i duũxũgü.**



“Rü wüxitama ga yatügagu nixĩ ga guxũma ga duũxũgüwa  
nanguxũ ga pecádu....Rü yemagagu nixĩ ga inaxügüxü na  
nayuexũ ga duũxũgü....” Dúmacüãx 5:12

**Nangexma i tacü i nüxna icuaxãchixũ:**

**Guxũma i duũxũgü rũ pecádumaa nabue, rũ wüxi i ngunex-  
ũgu rũ tá tayue, erü pecádugagu nixĩ i nangexmaxũ i yu.**  
(;Wena nüxũ nadaumatü i Dúmacüãx 5:12!)

## 8 Tupanaarü ñü nixĩ ga Nane ya Cristu núma namuãxũ na tórü pecáduwa tũxũ ínanguxũẽẽxũcax.



Rü yema duũxũgütanüwa na nanguxũcax ya Tupana Nane, rü wüxi ga õxchanaãcü ínangu.

“Rü ngima tá ngixũ nangexma i wüxi i ngine rü cuma rü tá Ngechuchugu cunaxüéga...erü nüma tá norü pecádugüwa ínanguxũxẽẽ i norü duũxũgü.” —Matéu 1:21

“...Rü guxũma i Tupanaarü pora rü Cristuwa nangexma.”  
Coróchacüãx 2:9

**Ngechuchu rü Tupana nixĩ rü  
duũxũxũ nügũ nixĩxẽxẽ.**

**9**

“Naxũpa ga guxũma, rü marü nayexma ga Tupana Nane. Rü Tupanamaxa nayexma rü woetama Tupana nixĩ ga nümax. Rü nüma...rü narüduũ rü totanüwa nayexma...rü toma rü nüxũ tadaugü.”

**Cuáũ 1:1, 14**

“Rü guxũma ga yema orearü ngeruũ nüxũ ixuxũ rü nangupetü:...—Rü tá ixãxacü i ngeema nge i taguma yatũxũ cuaxcü. Rü tá nayatü rü Emanué tá nixĩ i naéga....”

**Matéu 1:22, 23**

“Rü taxcax nabu i wüxi i õxchana... Rü ñaagü tá nixĩ i naégagü i namaa naxugüãxũ: Rü Mecümaxüchicü, rü Ucuxẽruũ ya nüxũ cuaxüchicü, rü Tupana ya Poraxüchicü, rü Tanatü ya taguma yücü, rü Tupana Nane ya ngüxmüxẽẽruxũ ixĩcü.”

**Ichaía 9:6**

# 10 Ngechuchu ya Cristu rü tórü ãmare ya mecü nixĩ i Tupanapewa.

“Cristu rü taguma pecádu naxü . . . .” 2 Corítiucüãx 5:21

“Nüma ga Cristu rü taguma pecádu  
naxü . . . .” 1 Pedru 2:22

Nataxuma i to i ãmare i mexü  
i nüxü iyarüngauxü i ñuxácü  
nanaxoxëë i tórü chixexü.

“Yerü guma wocagü rü chibugü rü  
tama naporá na iyanaxoxëëãxücax ga  
pecádugü.” Ebréugü 10:4

Ngechuchu nixĩ i Tupanaarü ãmare. “. . . Da nixĩ ya yima  
Tupana núma namucü na nayuxücax ná . . . duüxügüarü  
pecáduxü iyanaxoxëëãxücax.” Cuáü 1:29



**Ngechuchu rü inanaxã ga norü maxũ 11**  
**na tũxũ namaxẽxẽxũcax.**

Ngechuchu rü curúchawa nayapotagü ga duũxügü yerü naxchi naxaie. Natürü Tupanaarü ñnü nixĩ ga na Ngechuchu rü norü ngúchaũmaax inaxããxũ ga norü maxũ, rü yemaãcü cuxũ rü choxũ ínanguxuchixẽẽ nawa ga chixexügü.

Ngechuchu rü ñanagürü: “Taxúema choxũ tayuxẽẽ, natürü chorü ngúchaũmaatama ichanaxã i chorü maxũ. . . .”

Cuáũ 10:18

**Ngechuchu ya Cristugü nanaxütanü ga tórü pecádugü.**

“Yerü tama uiru rüexna diëru i ngauxwaexũmaa nanaxütanü . . . natürü Cristugümaa nixĩ ga naxütanüãxũ.”

1 Pedru 1:19

**Tataxuma ya toguxe ya taxcax yúxe rü tũxna**  
**nayaxúxe i tórü pecádu.**

**12** “Rü ñuxma rü Tupanapewa time yerü taxcax nayu ga  
Cristu...” Dúmacüãx 5:9

“...¡Choxna nacuaãchi i  
ngexguma ãëxgacüxü ícu-  
nguxgu!” Lúca 23:42



“...Ñomatama  
i ngunexügu  
chomaa  
cungexma i  
mexëchixü i  
naanewa.”  
Lúca 23:43



Ñaa  
ngítaxáxü rü  
inarütaxu  
yerü tama  
Ngechuchuãxü  
nayaxõ.

Ñaa  
ngítaxáxü rü  
namaxü yerü  
Ngechuchuãxü  
nayaxõ.

“...Yexguma ipecáduãxgügu nixĩ ga taxcax nayuxü ga  
Cristu.” Dúmacüãx 5:8

**Guxãma ya yíxema Tupana Naneãxũ  
yaxóxẽ rü tüxũ nangexma i maxũ.**

**13**

“Rü Tupana rü poraãcü nüxũ nangechaũ i ñoma  
i naanecüãx i duũxügü. Rü yemacax inanamu  
ga Nane ga nügümaa wüxicacü, na guxãma  
ya texé ya nüxũ yaxögüxe rü tama  
itarütauxexücax rü tüxũ nangexmax-  
ücax i maxũ i taguma gúxũ.”

**Cuãũ 3:16**

“Yerü nüma ga Tupana rü marü Chatanámxẽwa tüxũ ína-  
nguxüxẽẽ rü Nane ya nüxũ nangechaücumexẽwa tüxũ na-  
ngexmagüxẽẽ. Rü guma Nanegagu nixĩ ga tüxũ namaxẽxẽxũ  
rü tüxũ nüxũ nangümaxũ ga tórü pecádugü.”

**Coróchacüãx 1:13, 14**



“Rü yema orearü ngerüü  
 rü ñanagürü: . . . ; Taxú i  
 pemuüexü! Choma nüxü  
 chacuax rü Naxcax pedaugü  
 ya Ngechuchu ga guma  
 curúchawa yapotagüãcü.  
 Nataxuma i nua, erü wena  
 namaxü, yema nüma üpa  
 pema nüxü yaxuxürüü. . . .”

Matéu 28:5, 6



## Ngechuchu rü yuwa ínarüda.

15

“Rü choma nixĩ i chamaxũxũ. Rü ũpa rü chayü, natürü i ñuxma rü marü guxũgutáma chamaxeche. Rü choxmexwa nangexma na ñuxgu tá nayuxũ i wüxichigü i duũxũ...”

Apocaríchiu 1:18

**Marü taxucaxma yuxũ tamuũẽ erü Cristu rü yuxũ narüyexera rü naxmexwa nangexma i ngema.**

“Rü ngema i ngunexũ i nagu chamuũxũgu rü choma rü cuxna chacuaxãchi.”

Wiyægü (Salmos) 56:3

**Ngechuchu rü cuxũ namaxẽẽ rü Nanatüna naca na cuxũ nangũxẽẽxũcax.**

“Marü taxucaxma texé ya togue tingucuchi, erü nüma ya Ngechuchu rü tagutáma nayu. Rü aixcüma tũxũ namaxẽẽxũ ya guxãma ya yixema norü ngũxẽẽmaxa Tupanaxütawa ngugüxe...”

Ebréugü 7:24, 25

16 Cuma rü choma rü tuxú natauxcha na tuxú  
nangexmaxú i maxú i taguma gúxú.



¿Ngexürüxú i nama  
yixú i nagu quixú?

Ngechuchu ya Cristu nixí  
i nama na Tupanaxútawa  
cunguxúcax rü cuxú  
nangexmaxúcax i maxú i  
taguma gúxú.

Ngoxo i Chataná nixí i  
nama i yuwa nadaxú.

Daa bucú rü nama i maxú i taguma gúxúwa nadaxúgu nixú.

# ¿Ngexürüüxcax tá nixĩ i cumaxũũ? 17

“... ¡Rü ñuxmatama nagu perüxĩnũe na tacürü tupanawe perüxĩũ!...”  
Yuchué(Josué) 24:15

“... ¡Ëcü penayaxu i maxũ na pemaxẽxũcax, rü namaxẽxũcax i petaagü.”  
Deuterunómiu 30:19

**Ngéchuchu nixĩ i nama i maxũ i taguma gúxũwa nadaxũ.**

“... Ngéchuchuxicatama nixĩ ya tórü maxẽẽruũ... rü yixicatama nixĩ ga Tupana tũxna namucü na tũxũ namaxẽẽxũcax...”  
Puracügü 4:12

“Chaxicatama nixĩ i Cori ya Tupana chixĩũ, rü choweama rü nataxuma i to i maxũ pexna ãxũ.”  
Ichaía 43:11

# 18 ¿Tüxcüü Ngechuchuxü tayaxu?

1. Yerü nüma nixĩ ga núma naxüxü.

“... Núma chaxü na chanamaxēxēxücax i duüxügü....”

Cuáü 10:10



2. Yerü nüma ga Ngechuchu nixĩ ga tüxü nangechaxüxü rü taxcax nayuxü.

“Rü... Tupana Nane... nixĩ ga choxü ngechaücü, rü nügü inaxäxü na chauxcax nayuxücax.”

Gárataanecüax 2:20

Ngechuchu rü nügü narüduü rü taxruxü naxámachi rü naxächina. “... Rü yema norü yumaxa nüxü naporamae ga Chataná ga noxri nüxü yexmaxü ga pora na tüxü

iyanatauxexēēxūcax, rü... Chatanámexēwa tūxū  
 ínanguxūxēēxūcax ya guxāma ya yíxema noxri naxcax  
 muūexe ga na tayuexū. Ebréugü 2:14, 15

### 3. Ngechuchugüxicatama nixī inaxūxū i tórü chixexūgü.

“Rü yima Nagüxicatama nixī ya maxūwa tūxū nguxēēcü.”  
 Lebítanüxügüchiga (Lebíticu) 17:11

“...Rü Tupana Nane ya Ngechuchu rü Nagümaa tūxū  
 inayanatauxēē i guxūma i tórü chixexū.” I Cuáü 1:7

“Rü... tūxū namaxēēē rü tūxū nüxū inarüngüma i tórü  
 pecádugü.” Coróchacüāx 1:14



#### 4. Ngechuchu ya Cristu nixí ga yuwa írüdacü.

“...Rü ñuxma na yuwa ínadaxü ya Cristu, rü tagutáma wena nayu, yerü nüma rü marü yuxü narüyexera.”

Dúmacüãx 6:9

“Rü...guxüma ga duüxügücax nayu ga Cristu, na ngema du-  
üxügü i ñuxma maxëxü, rü tama nümatama nagu naxínüexügu  
namaxëxücax, natürü Naxcax namaxëxücax ya yima naxcax  
yucü rü wena írüdacü.”

2 Corítiucüãx 5:15

**Ngechuchu rü ñanagürü:** “...—Rü tá pemaxë, erü choma rü  
chamaxü.”

Cuáü 14:19

**5. Rü tanaxwae na Ngechuchuxũ iyaxuxũ na tüxũ  
nangexmaxũcax i maxũ i taguma gúxũ.**

**21**

“...Rü Cristu rü pewa nangexma i ñuxmax, rü  
Nagaguxicatama nixĩ i pexũ nangexmaxũ i pechica i daxũguxũ  
i naanewa....” **Coróchacüãx 1:27**

“Rü ngexguma pewa namaũxgu i Naãxẽ ya yima Tupana ga  
Ngechuchu ya Cristuxũ írüdaxẽẽcü, rü nümatátama... wena  
nanamaxẽẽ i pexene i yuxwaexũ, rü Naãxẽ i Üünexũ i pewa  
maxũxũ tá nixĩ i naxũxũ i ngema.” **Dúmacüãx 8:11**

**Ngexguma Ngechuchuxũ iyauxgügu rü  
Naãxẽ i Üünexũ tawa nangexma.**

“...Rü yixema tama tüxũ nangexmaxe i Tupanaãxẽ i Üünexũ  
i Cristu tüxna ãxũ, rü tama Cristuarü tixĩ.” **Dúmacüãx 8:9**

## 22 Ngechuchu rü guxũma i buxũgũxũ nangechaũ.



“Rü ngema nacũmawa  
nixĩ i nũxũ icuáxũ ya  
wũxi ya ngextũxũcũ  
nax aixcũma mexũgu  
naxĩnũxũ rüexna  
tama.”

Ucuxẽgũ  
(Provérbios) 20:11



**Choxũ nangechaũ ya Ngechuchu,  
norũ Popera chomaa nüxũ nixu.**

23

Ngechuchu rü ñanagürü: "... Chanaxwae i chauxõtawa naxĩ i buxũgü. ;Rü taxú i nüxna penachuxuxũ! Erü Tupana aẽxgacü iixĩuwa rü tũmacax nixĩ ya yixema ñaa buxũgürüü ixĩgũxe."

Lúca 18:16

"... Penatü ya daxũgucü rü tama nanaxwae na wüxi i ñaa buxũ na iyarütaxuxũ."

Matéu 18:14

Nüétama ega texé quixĩngu, rüexna ngextácüãx quixĩngu. Ngechuchu rü cuxũ nangechaũ rü cuxcax nayu. Rü nanaxwae ta na nüxũ cungechaũxũ. Ngexguma naga cuxĩnügu ya Ngechuchu rü nüxũ cunawex na nüxũ cungechaũxũ.

"Rü ngexguma aixcũma choxũ pengechaũgu, rü naga tá pexĩnüe i chorü mugü."

Cuáũ 14:15

## 24 ¿Ñuxãcü i Tupanana cungaicamaxũ?

### 1. ¿Ngechuchugagu Tupanana nangaicama!

“...Tupana rü wüxitama nixĩ. Rü ngexgumarũũ ta wüxitama nixĩ i taétüwa chogüxũ...Rü nüma nixĩ ya Ngechuchu....”

1 Timutéu 2:5

“...Nüxũ natauxchaxũ nax aixcüma tüxũ namaxẽxẽxũ ya guxãma ya yixema norü ngüxẽẽmaxa Tupanaxũtawa ngugüxe....”

Ebréugü 7:25

Ngechuchu rü ñanagürü: “...Rü texé ya choxũ yaxõgüxe rü taütãma tüxũ chaxoox.

Cuãũ 6:37

### 2. ¿Nüxũ ixu na cupecaduãxũ! (Tupanaga tama cuxĩnũxũ.)

“Rü guxãma tipecaduãxgü rü nüxna tayãxũgugü ya Tupana ya tüxũ maxẽxẽęcü.”

Dúmacüãx 3:23

### 3. ¡Nüxũ rüxo i chixexũ!


“... Rü nüxũ perüxoe i pecüma  
i chixexũ... na pexũ  
inapiãxücax i perü pecádugü...”

Puracügü 3:19

“... Nüma ya Cori... rü tamaa  
yaxna naxĩnü. Erü tama nanax-  
wae na texé iyarütaxuxũ,  
natürü nanaxwae i guxãma  
nüxũ rüxoexũ i tümacüma i  
chixexũ.”

2 Pedru 3:9

4. !Ngechuchumaxa nüxũ  
ixu i curü chixexügü!



**26** ¡Rü ñaa wúyemaũgũgu naxümatü i 1 Cuáũ 1:9, rü yima naxmex ya naátü i 25 -gu üxüneétügu ümatüxü!

---

---

---

---

### **5. ¡Nüxü rüxo i curü chixexũgü!**

“Rü yíxema tümaarü chixexũ icúxe rü taxútáma mexũ tüxũ naxüpetü, natürü yíxema nüxũ ixuxe, rü nüxũ rüxoxe, rü Tupana rü tá tüxũ nüxũ inarüngüma.” Ucuxẽgũ(Provérbios) 28:13

“Rü nüxna ixũgachi i ngema chixexũ, . . . rü mexũ naxü! . . .”  
Wiyægũ(Salmos) 37:27



“...Ngema Tupana pema  
mecūmaxūgagu nixī i pexū  
nangexma i maxū i taguma  
gúxū yerū peyaxō...Tupana  
nixī ga pexna naxāmarecū ga  
yema. Rū tama tacū i mexū  
pexūxūcax nixī...na nge-  
maācū taxúema tūgū icuaxū-  
ūxūcax.” Epéchiucūāx 2:8, 9

## 6. !Ngechuchuāxū yaxō!

27

“...Ngexguma cuaxmaax nūxū  
quixuxgu na curū Cori yīxū ya  
Ngechuchu, rū ngexguma cuāē-  
wa cuyaxōxgu na yuwa Tupana  
ínadaxēēxū, rū tá cuxū nangex-  
ma i maxū i taguma gúxū.”

Dúmacūāx 10:9

“...¡Nūxū yaxō ya Cori ya  
Ngechuchu, rū tá cuxū nangex-  
ma i maxū i taguma gúxū i cu-  
max, rū guxū i cupatacūāx!”

Puracūgū 16:31

Cristu!

Cuwa nangexma na Ngechuchuna  
cuxuxũ na curũ maxũwa nangexmax-  
ũcax. Ngechuchu rü ñanagürü: “Rü  
dücax, ehoma rü iãxwa changex-  
maecha. Rü ngéma: Tu tu tu ñacha-  
rügüecha. Rü ngexguma texé choxũ  
ĩnügu rü chauxcax tayawãxnagu, rü  
tá tũmaxũtagu chaxücu. Rü tũmamaa  
tá chachibũ rü tũma i chomaax.”

Apocaríchiu 3:20

“Natürü guxema nayauxgüxe, rü  
nũxũ yaxõgüxe, rü tũxũ nanataux-  
chaxẽẽ na Tupanaxacügü tixĩgũx-  
ũcax.”

Cuáũ 1:12



Ega chi ũpaacü taguma cuyumüxēgu, rü cunaxwaegu i ngüxēē,  
rü fiaa nixĩ i wüxi i yumüxē i curü cuaxruxũ ixĩxũ:



**Pa Chorü Cori ya Ngechuchux,  
Moxēxũchi na curúchagu cuyuxũ  
naxcax ga chorü pecádugü. Rü nüxũ  
charüxo, rü poraãcü changechaũ ga  
na yema chixexũ chaxüxũ. Rü cuxna  
naxcax chaca na guxũguma chorü ma-  
xũwa cungexmaxũ. Rü chayaxõ na  
cunamexēēxũ i chorü maxũ. Rü cuxũ  
chayaxu na chorü Maxēēruxũ rü  
chorü Cori na quixĩxũcax.**

**Cuégagu, Améü.**

## 30 Ngexguma chi Ngechuchu curü maxüwa ngexmagu rü cuxü nangexma i maxü i taguma gúxü.

Tupana rü ñanagürü: "... Chomatama marü pexna chanaxã i maxü i taguma gúxü. Rü ñaa maxü rü Chaunegagu pexü nangexma."

1 Cuáü 5:11

"... Yíxema choxü irüxĩnuxe i chorü ore, rü nüxü yaxóxe ya yima Chaunatü ya núma choxü mucü, rü tüxü nangexma i maxü i taguma gúxü.... Rü Chaunatü rü taxütáma tümamaa nanaxuegu i poxcu...."

Cuáü 5:24


"... Cristu rü pewa nangexma i ñuxmax, rü Nagaguxicatama nixĩ i pexü nangexmaxü i pechica i daxüguxü i naanewa...."

Coróchacüãx 1:27

Ngexguma nüxü cucuaxgu na Ngechuchu rü marü cuxü nüxü na inangümaxü i curü chixexügü, rü nüma rü curü Cori rü curü Maxëëruxü na yixixü, rü ecü ;nuxa naxümatü i cuéga rü ñoma i ngunexü ngexma naxü!

---





¡Rü wüxichigü i ngunexü rü nawa nangux i Tupanaarü Ore, rü curü maxügu namaxa nanguxü! ¡Rü cuãëgu naxú i ngema, rü ngema tá poraãcü cuxü narüngüxëë!

“Rü guxüma i Tupanaarü Ore i ümatüxü rü nügüãëwatama nana-yaxu ga Tupana. Rü ngema Ore rü name na duüxügüxü namaa ingúexëëxü, rü namaa yaxucux-ëgüxü, rü namaa iyanawexächix-ëëgüxü, rü namaa nangúexëëxü na mea Tupanapewa namaxëxü-cax.”

2 Timutéu 3:16

# ¡Ngechuchumaxa idexa ngexürüüxü i oragumare!



¡Ngechuchuna moxē naxā naxcax i guxūma i mexū! ¡Nüxū icuaxüxü naxcax i guxūma i mexū i cuxcax naxüxü, rü naxcax i ngema maxū i cuxna naxāxü! ¡Naxcax ínaca i tacü i cuxü taxuxü! Ngechuchuégagu nayumüxē!

“... Rü ngexguma tacücax nüxna icaxgu, rü nüma tüxü naxīnü i ngexguma norü ngúchaü yixixgu i ngema naxcax nüxna icaxü.”

1 Cuáü 5:14

“... Name nixī i ... pegücax peyumüxēgü  
....”

Chaütiágu 5:16

“... ¡Naxcax peyumüxē i ngema duüxügü i pexchi aixü!”

Matéu 5:44

# Yumüxê ga Ngechuchu torü ngúexügüxü nangüxêxü.

33

“Pa Tonatü ya Daxügücüx, rü aixcüma üüncü quixĩ i cumax. ;Rü núma naxü na torü ãëxgacü quiixücax! Rü tanaxwae i curü ngúchaü ná naxügüxü i duüxügü i ñoma i naanewa ngexgumarüü i daxügüxü i naanewa na curü ngúchaü ínaxügüxürüü. ;Rü toxna naxã i torü õna i ñoma i ngunexücax ixixü! ;Rü toxü nüxü rüngüma i torü chixexü i taxüxü ngexgumarüxü i toma rü tüxü nüxü tarüngümaxürüxü ya yíxema chixexü tomaa ügüxe! ;Taxú i tacürü chixexüpewa toxü cuwogüxü na tama nagu tayixücax! Natürü tanaxwae i toxna cudau na tama ngema chixexü taxügüxücax. Erü cuma nixĩ i namaa icucuáxü i guxüma, rü cuporaxüchixü, rü maxüarü yora quixixü. Rü aixcüma ngemaãcü nixĩ. Améü.” Matéu 6:9-13

Ñaa yumüxê rü ngema yaxõgü rü wüxigu tagaãcü nanaxügü.  
;Cuãëgu naxú!

# 34 Ngema 10 i Tupanaarü mugü rü tuxũ nanguxẽẽ na ñuxãcü imaxẽxũ.

İxchiga (Éxodo) 20

Rü ngema nüxíraxũxũ i 4 i mugü rü tuxũ nanguxẽẽ na ñuxãcü Tupanaxũ ingechaxũxũ.

1. “Tama chanaxwae i chopewa tacü i tomaxa cutupanaãx.”
2. “;Taütáma i tacü cugücax cuxüxchicüna na ngemamaxa cutupanaãxücax . . . rü taxütáma tacürü naxchicünapegu cuca xápü rü nüxũ quicuaxũxũ!”
3. “;Taütáma chauégamaxa cugü ícupoxũ ega tacürü dora cux üxgu!”
4. “Ngema norü 7 i ngunexũgu rü tá icurüngũ, rü nagu tá choxũ quicuaxũxũ.”

**Ngema nawa yacuáxũ i 6 i mugũ rũ tũxũ nanguxẽẽ na  
ñuxãcü yigũ ingechaxũxũ.**

**35**

5. “¡Tũxũ nangechaxũ ya cunatũ rũ cué!”

6. “¡Taũtáma cumáeta!”

7. “¡Taũtáma cuxmaechita nai i ngemaxa cumaxũ!”

8. “¡Taũtáma cungíxtax!”

9. “¡Taũtáma doraxũ quixu i cumücüchiga!”

10. “¡Taũtáma cugũxũ cunangúchaxũxẽẽ ya cumücüpata... rũ  
bai i tacü i noxrũ ixĩxũ!”

**Ngexguma Tupanaga ixĩnügu rũ tórũ yumüxẽxũ nangãxũga.**

“Rũ nüma tá tũxna nanaxã i guxũma i tacü i naxcax íçaxũ erũ  
naga taxĩnüe i ngema tũxũ namuxũ rũ tanaxü i ngema nüma  
namaxa nataãẽxũ.”

1 Cuáũ 3:22

## **36 Ngema taxre i mugü i guxũarü yexera ixĩxũ:**

### **1. ¡Tupanaxũ nangechaũ!**


Rü ñanagürü ga Ngechuchu: “¡Rü nüxũ nangechaũ ya Cori ya curü Tupana guxũne ya curü maxũnemaax, rü guxũ i cuãẽmaax, rü guxũ i nagu curüxĩnũxũmaax!”

Matéu 22:37, 38

### **2. ¡Duũxũgũxũ nangechaũ!**

“Rü ngema norü taxre i Tupanaarü mu...rü ñanagürü: —Nüxũ nangechaũ i cumücü ngema na cugü cungechaũxũrũxũ!”

—Matéu 22:39



(1 Corítiucüãx 13:4, 5, 8, 13)

<sup>4</sup>“Rü yíxema aixcüma ngechaũ tüxü ngexmáxē rü yaxna taxĩnü rü tamedcüma. Rü tama tixãuxãchiwae, rü tama tügü ticuaxüxü, rü tama tügüguxica tarüxĩnü. <sup>5</sup>Rü tama taguxchigawae, rü tama tümaarü mexücax tadau, rü tama tanuxwae, rü tama nagu tarüxĩnüecha ega texé chixexü tümamaa üxgu. <sup>6</sup>Rü tama namaa tataãxē i chixexügü, natürü namaa tataãxē i ngema ore i aixcüma ixixü. <sup>7</sup>Rü yíxema aixcüma tümamücüxü ngechaũxe, rü yaxna namaa taxĩnü rü guxüguma nüxü tayaxõ, rü guxüguma mexügu namaa tarüxĩnü, rü taguma naxchi taxai woo tacü tümamaa naxüxgu i tümamücü.”

**38** <sup>8</sup>“Rü ngema' ngechaũ rü tagutáma inayacuax. . . .  
<sup>13</sup>Rü ñuxma rü nangexma i tomaepüx i nacümagü  
i guxügucax ixixũ. Rü ngema nixĩ:

(1) Rü Tupanaãxũ tayaxõgü.

(2) Rü nüxũ ítananguxẽẽ na natáeguxũ ya Cristu.

(3) Rü nüxũ tacuax na tamücüxũ ingechaũxũ.

Natürü ngema tomaepüxtanüwa rü ngema naétüwa üxũ  
nixĩ i ngema ngechaũ.”

**Tupana rü ngechaũwecü nixĩ.**

“...Rü yixema aixcüma ngechaũ tüxũ ngexmáxẽ, rü  
Tupanaarü duũxũ tixĩ, erü Tupana rü tümawa namaxũ.”

1 Cuáũ 4:16



**Ngechuchu rü nanaxwae ña togümaxa 39  
nuxũ quixuchigaxũ.**

(cuchiüwa, rü escuelawa, rü  
tupaucawa, rü guxüwama)



**Ngechuchu rü ñanagürü  
nuxũ: “¡Cuchiüwa naxũ rü  
cutanüxümaxa nuxũ yarüxu i  
guxüma i ngema cuxcax  
naxüxũ ya Cori ya Tupana,  
rü ñuxãcü nuxũ na  
cungechaütümüxũ!”**

**Márcu 5:19**

## **Ñuxãcü nüxũ tacuax i wüxi i duũxũ i aixcüma Tupanaxacü ixĩxũ.**

“...Nacüma<sup>w</sup>a tá nüxũ pecuax nax aixcüma Tupanaarü duũxũgü yixĩgüxũ.” Matéu 7:20

“...Rü yixema Tupanaãxē tümawa ngexmáxē, rü tangechaxũwae, rü tataãxē, rü tama aigu tarüxĩnü, rü yaxna tümamücümaax taxĩnü, rü tangũxēẽwae, rü tamecüma, rü Tupanaãxũ tayaxõ, rü tama tügü ticuaxüxũ, rü tügümaa mea itacuax....”

Gárataanecüax 5:22, 23

**Yixema aixcüma Tupanaxacü ixixē rü togueãxũ nüxũ  
tangechaũ i tümaarü chixexũ i tümamaxa taxüxũ.**

“Rü ngexguma pema nüxũ nüxũ iperüngümagu i ngema duũxũgü i chixexũ pemaa ügüxũ, rü Penatü ya daxügücü rü tá ta pexũ nüxũ inarüngüma i perü pecádugü.” Matéu 6:14



**Naãxē  
Üñecüma**

**Taxüñecüma**

**Taxüñearü ngúchaü:**

**41**

“...Nai i ngemaa tamaxü, rü tupanane-  
tachicüñagüxü ticuaxüxü, rü taxüxp-  
wae, rü taxaixwae, rü tanuxwae, rü  
tachoxügawae, rü taxäüächiwae, rü  
tamáetawae, rü tangäxwae, rü peta  
taxügüecha....” Gárataanecüax 5:19-21  
“...Rü yatügü i naxrüü yatüxümaa  
ngeãëxü, rü ngítaaxgüxü,...rü ngema  
duüxügü i nügünaxica nanuxächixü i  
norü ngemaxügü....”

1 Corñtiucüax 6:9, 10

**¡Ngechuchuna cugü naxã na cuxü namexëëxücax, rü**

**Naãxē i Üñexümaxa cuxü napaxëëxücax!**

“...Ñuxma ya Tupana rü marü pexü ínanapi i perü chixexü na noxrüx-  
icatama pixígüxücax...rü aixcüma napewa pime yerü Naãxē i Üñexü  
rü tórü Cori ya Ngechuchuégagu marü perü pecáduna pexü ína-  
nguxüxëë.”

1 Corñtiucüax 6:11

# Ngema poxcu rü aixcüma nixĩ.



(;Nüxü nadaumatü i Lúca  
16:19-26!)

;Rü mea Ngechuchuãxü  
yaxõ, rü nüma rü Maxüarü  
Poperagu tá nanaxümatü i  
cuéga!

“Rü guxema ingeégaxe  
ga Tupanaarü popera i ma-  
xüpanewa rü naxtaa ga  
üxümaa iyaurachiünewa  
tawoü.”

—Apocaríchiu 20:15

# Ngechuchugaguxicatama tá nixĩ i Tupanaxũtawa ingugũ.

43

“... Chomatama marũ pexna chanaxã i maxũ i taguma gũxũ. Rũ ñaa maxũ rũ Chaunegagu pexũ nangexma.” 1 Cuáũ 5:11

“Rũ ngema natanũ na pecádu ixũxũ, rũ yu nixĩ. Natürũ yíxema... Ngechuchuãxũ yaxõgũxe, rũ Tupana tũxna nanaxãmare i maxũ i taguma gũxũ.” Dúmacüãx 6:23

“Rũ yíxema Tupana Naneãxũ yaxõxẽ rũ tũxũ nangexma i maxũ i taguma gũxũ. Natürũ yíxema tama nüxũ yaxõxchaũxe ya Tupana Nane, rũ taũtãma tũxũ nangexma i ngema maxũ i taguma gũxũ....” Cuáũ 3:36

Ngechuchu rũ ñanagürũ: “... Choma nixĩ i ngema nama i Chaunatũxũtawa nadaxũ chiĩxũ. Rũ aixcũma nixĩ i ngema ore i nüxũ chixuxũ. Rũ choma nixĩ i duũxũgũxũ chamaxẽxẽxũ. Rũ chaugaguxicatama nixĩ i Chaunatũxũtawa nangugũxũ i duũxũgũ.” Cuáũ 14:6

# 44 Daxūguxū i naane rü aixcūma nangexma.



Rü yexguma Cuáũ ngoxetügu rü nüma nüxū nadau ga wüxi ga daxūguxū i naane, rü wüxi ga ñoma i naane i ngexwaçaũxū.

“Rü nüma tá ínanapi i naxgüetü... Rü marü taütáma texé tayu, rü texé tangechaũ, rü texé ngechaũgaãcü taxaxu, rü texé ngúxū tingegü. Erü guxūma i ngema ngúxū rü marü inayarüxo... rü dücax, choma rü chanangexwaçaxüxêê i guxūma i itacü ingexmaxū....”

Apocaríchiu 21:4, 5

Cuáũ rü nüxū nadau ta ga wüxi ga íane ga üünene. Rü yima nixĩ ya Yerucharéũ ya ngexwacaxüne, rü Tupanaxūtawa ne naxū. “... Rü nümatama ga guma íane rü uirunaxcax nixĩ. Rü ñoma woruaruũ niyauracüü. Rü guma nutagü ga itacü ga norü poxeguxūpara ixīgücü, rü nagúxūraücü ga nuta ga imexêchicūmaa nangaxãê....”

Apocaríchiu 21:18, 19

**Ngechuchu rü daxüwa naxü na namexëëax- 45**  
**ücax ya tümachiü ya yixema nüxü yaxögüxe.**

“¡Taxü i penaxixächiaëgüxü i pemax! ¡Tupanaaxü peyaxögü rü choxü rü ta peyaxögü! Chaunatüxütawa nangexma i mux-  
üchima i nachicagü. . . . Rü ngexguma marü ngéma chaxüxgu  
rü wüxi i pechica chamexëëxgu, rü wena táxarü núma chaxü.  
Rü pexü tá chayagagü na ngema nachica i chomatátama nawa  
changexmaxüwa na pengexmagüxücax.” **Cuáü 14:1-3**

**¡Rü togümaxa nüxü ixu i ñaa  
mexü i ore i ngexwacaxüxü!**

Ngechuchu rü ñanagürü: “¡Guxü i naanewa pexi rü guxü i  
duüxügümaax nüxü peyarüxu i ore i mexü!” **Márcu 16:15**

# 46 Tupana rü ñaxacügümaxa inaxuneta:

“... Tagutáma cuxna chixü, rü tagutáma cuxü íchatax....”

Ebréugü 13:5

“Rü nūmarü tá norü duñxügü i daxücüāxü namu na cuxna nadaugüxücax i ngextá ícuxüxüwa.”

Wiyægü(Salmos) 91:11

“... Guxügutáma pexütawa changexmaecha ñuxmatáta nagú i naane....”

Matéu 28:20

“¡Rü taxú i cumuñxü naxcax i ngema ngúxü i tá quingexü!...rü chanaxwae i choxü cuyaxõõma ñuxmatáta cuyux. Rü choma rü tá cuxna chanaxã i curü ãmare i maxü i taguma gúxü.”

Apocaríchiu 2:10

“¡Choxna naca rü choma rü tá cuxü changãxü!...”

Yeremía 33:3





**Guxüma i yuexü rü tá inarüdagü.**

“... Tá inangu i ngema ngunexü i nagu guxüma i duixügu i yüexü rü tá nüxü naxinüe i chauga. Rü naxmaügüwa tá inachoxü. Rü ngema mea maxëxü, rü tá inarüdagü na nayauxgüaxücax i maxü i taguma gúxü. Natürü ngema chixexü ügüxü, rü tá inarüdagü na napoxcuexücax.”

Cuáü 5:28, 29


**Yixema Cristugu yuexe rü tüxira tá itarüdagü.**

“Rü ngema wena i yixema na imaxëxü rü Tupana tá wüxigu caixanexügu tüxü nigagü namaa i ngema duixügu i yuewa írüdagüxü. Rü ngemaäcü tá daxügu... Ngechuchuxü tayangaugü na guxügutáma naxütawa ingexmagüxücax.”

Techarónicacüax 4:17

“... ¡Ípedaue rü pexuãëgü! Erü tama nüxü pecuax i tacürü ora tá íchangu i chomax!”

Márcu 13:33



“Rũ dücax, marũ ningaica na caixanexũgu ínanguxũ ya Cristu! Rũ guxütáma i duũxũgũ nüxũ nadau....” Apocaríchiu 1:7



¿Rũ pexũãëgũ naxcax i ngema Cristugüneta ixĩgũxũ, rũ orearũ uruxũgüneta ixĩgũxũ!

“Rũ ngexguma texé pexũ ñagũgu: —Dücax, daa nixĩ ya Cristu —ñagũgu, rüexna: —gua nixĩ ya Cristu —ñagũgu, rü tama name i nüxũ peyax-õgũ.” Matéu 24:23, 26

**Ngürüãchimare tá caixanexũgu  
numa naxũ ya Ngechuchu.**

“Erũ ñoma wüxi i baixbexane i guxũwama na-ñgóonexëëxũrüũ tá nixĩ i ngexguma wenaxarũ 'núma chaxũxgu i chomax i Tupana Nane na duũxũxũ chixĩxũ. Rũ guxũ i nachüane-cüãx tá nüxũ nadaugũ na ñuxâcü daxüwa ne chaxũxũ... Rũ ãëxgacü ya poraxüchicü rü mexëchicü tá chixĩ.” Matéu 24:27, 30

# Tórü Daruũchiga

Wiyægü (Salmo) 23

<sup>1</sup>Rü nüma ya Cori ya Tupana rü chorü dauruxũ nixĩ rü taxuxũma choxũ nataxu. <sup>2</sup>Rü mexũ i nachicagu choxũ narüngũxẽẽ rü mechiuxũ i natüwa choxũ naga. <sup>3</sup>Rü ngexguma chaturagu rü choxũ naporaxẽẽama, rü mexũ i namawa choxũ naga na ngemaãcü natachigaxũcax i naéga. <sup>4</sup>Rü woo tacürü äücũmaxũ i taxũwa chaxüpetügu, rü taxucaxma chamuũ erü cuma Pa Cori Pa Tupanax, rü chauxütawa cunxexma. Rü yima curü naixmenamaa mexũ i namawaama choxũ cuxũxẽẽ, rü curü caxũruxũmaa choxũ icupoxũ. <sup>5</sup>Rü mexũ i õna chauxcax cumexẽẽ napewa i chorü uwanügü rü pumáramaa choxũ cubaeru. Rü nangupetüxüchi i ngema curü ngũxẽẽ i choxna cuxãxũ. <sup>6</sup>Rü guxũ i ngunexũgu rü chomaa cumecũma rü cuxũ changechaxũtümüxũ. Rü ngemacax, Pa Corix, rü cupatawa tá changexmaecha rü guxũgutáma cuxütawa chamaxecha.

The Bible text used for the New Testament verses is from TUPANĀRŪ ORE. Usado con permiso La Liga Bíblica, 16801 Van Dam Road, South Holland, IL 60473, Las Sagradas Escrituras Para Todos.

---

If you are interested in receiving additional Scripture booklets, write to the publisher in English.

**World Missionary Press, Inc.**  
**P.O. Box 120**  
**New Paris, Indiana 46553-0120 U.S.A.**

Escriba a cualquiera de las siguientes direcciones y reciba gratis un curso bíblico:

**La Palabra en Cada Hogar**  
**Apartado 6-634**  
**México, D.F. 06600**

Gratis – No debe venderse

2261 Ticuna (Peru/Colombia) 7-99

Colombia

